

S **LO**
Afl. 1.25
BRIYANDO FUERTE • TRECIENDO CLARIDAD
DIASABRA 13 JULI 2024
Di Pueblo

**AZV FORTIFICANDO E PROME
LIÑA DI CUIDO PA MEDIO DI
AMPLIACION CU MAS DOKTER DI
CAS Y PRAKTIJKONDERSTEUNERS**



WWW.SOLODIPUEBLO.COM



SOLODIPUEBLO@GMAIL.COM

**ADEMAS DI 5 AÑA DI
NO POR PARTICIPA
DEN ELECCION BENNY
SEVINGER CONDENA
NA 4 AÑA DI PRISON**



**TA INICIA FASE
EMBEYECEMENTO DI
TOREN DI PALM BEACH**



**HOGHE RAAD DEN CASO DI CASACION
TA DETERMINA CU MATRIMONIO PA
PAREHANAN DI MESUN SEXO TA
POSIBEL NA ARUBA**



Cuminsando cu 4 florin, bo por gana e suma grandi aki

Afl. **1.650.000,-**

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO





NoticiadiCorte

ADEMAS DI 5 AÑA DI NO POR PARTICIPA DEN ELECCION BENNY SEVINGER CONDENA NA 4 AÑA DI PRISON



Awe merdia, Hof di Corte Superior a dicta sentencia den e caso apelacion Avestruz. Via video conference esaki a sosode.

SOLO DI PUEBLO por a compronde cu cuater di e acusadonan a wordo declara liber mientras cu Hof a subi castigo pa Sevinger te na 4 aña di prison. Hof a bisa cu mester manda señal cu no ta acepta corrupcion den Gobierno.

EXIGENCIA DI PROCURADOR GENERAL

Na Mei 2024, Procurador General (PG), a existi pa mantene e sentencia pa Nuñez, Werleman, Mansur cu ta 2 aña di prison di cual 1 aña ta condicional cu 3 aña di prueba. Tambe un boet di 25 mil florin. Pa Harms PG a existi trabao pa comunidad y un multa di 15 mil florin. Si Harms no paga e multa, e lo mester bay 180 dia di prison.

Pa Arends, PG a existi 3 aña di prison y un boet di 25 mil florin y si no paga e multa e lo mester bay 195 dia sera.

Pa Sussebeek PG a existi 3 aña di prison y e 2.4 milyon florin (1.3 milyon dollar) den un banco na Curacao lo keda confisca.

Pa Sevinger, PG a existi 4 aña di prison y cu pa 8 aña Sevinger no por participa den eleccion como politico.

SENTENCIA

Awe merdia, sala di Corte tabata yen. E acusadonan Harms y Mansur no a presenta. Via video conference e sentencia a sosode. E tres Huesnan tabata sinta den un sala di Corte na Curacao, mientras cu via un screen por a mira nan y scucha e sentencia. E tres Huesnan tambe por a mira den sala di Corte di Aruba.

CUATER ACUSADO DECLARA LIBER

Hof a cuminsa cu Werleman, Nuñez y Mansur. Hof a rechaza e defensa cu a persigui nan y no otronan. Hof ta haya cu ta keda na Ministerio Publico pa dicidi kende ta persigui. Hof a bisa cu e no ta haya cu tin malversacion di Gobierno cu e terenonan cu a bende pa hopi placa. No por bisa cu nan tres no kier a desaroya nan proyectonan. Hof a bisa cu Mansur por a haya financiamiento di su famia. Hof no ta haya proba cu conhuntamente cu Sevinger a malversa Gobierno. Hof a declara Werleman, Nuñez y Mansur liber di malversacion di Gobierno.

Hof a bisa cu Harms a haci donacionnan na fundacion Curazon Berde di Sevinger. E pregunta ta si esaki por ser considera compra. Na opinion di Hof, no tin suficiente prueba cu e donacionnan ta relaciona cu dunamento di tereno. Hof a declara Harms liber di e acusacion di a compra Sevinger.

Hof a bisa cu Ministerio Publico tin oportunidad di apela na Corte di Casacion, caminda 6 Hues lo bay evalua e caso.

SUSSEBEEK CONDENA PA CUMPRASEVINGER Y LABA PLACA

Hof a bisa cu nan ta haya cu Sussebeek a duna regalonan na Sevinger y labamento di placa. Hof ta haya cu Sussebeek a compra Sevinger door di laga traha heki na su cas, pone un gym y compra drip system. Hof ta haya cu Sussebeek a haci esaki pa logra cu Sevinger lo pasa terenonan. Ta un hecho cu companianan di Sussebeek a paga pa e cosnan. Hof a bisa cu nan no ta kere cu Sevinger lo a paga bek. Hof a muestra cu den e mesun periodo, Sevinger a haya peticionnan di Sussebeek pa terenonan y Sevinger a aproba nan. Hof ta haya cu Sussebeek a laba 1.3 milyon dollar door di bende un tereno cu el a haya di Sevinger.

Pa cu e castigo, Hof a bisa cu Sussebeek a compra Sevinger pa haya terenonan. Hof ta haya esaki un asunto serio. Hof a tene cuenta cu e caso ta bieu y cu Sussebeek tabata den mal publicidad. Hof a condena Sussebeek na 30 luna (2 aña y 6 luna di prison) di cual 10 luna ta condicional cu un tempo di prueba di 3 aña. Hof a dicidi cu e 1.3 milyon dollar lo keda confisca.

ARENDS CONDENA NA 2 AÑA DI PRISON

Hof a bisa cu Sevinger y Arends conhuntamente a traha pa duna terenonan na Arends. Arends a haya terenonan sin cu e tabatin intension di

realisa proyectonan. Arends tabatin relacion politico cu Sevinger y tabatin acceso na Sevinger. Hof a bisa cu Sevinger tabata firma e peticionnan di Arends pa wordo realiza. Arends a haya un decreto ministerial pa asina haya terenonan.

Hof ta haya cu Arends a compra Sevinger pa tereno. Hof ta haya proba cu Arends a manda placa den envelop pa Sevinger. Hof a muestra riba declaracion di e testigo Roga cu a hiba e placa y a papia cu ta festia tin di tereno. Hof a bisa cu nan no ta kere Arends cu e envelop tabatin ticketnan di loteria. Hof a muestra cu Arends a keda desmenti di a manda Roga cu envelop ten a momento cu e señora di Sevinger a declara cu Roga a hiba un envelop p'e.

Hof a condena Arends na 2 aña di prison di cual 1 aña ta condicional cu 3 aña di prueba. Hof a bisa cu e no ta mira necesidad di pone un multa manera PG a existi.

HOF A SUBI CASTIGO PA SEVINGER

Hof a bisa cu e ta declara Sevinger liber di a wordo compra cu e proyectonan Werleman, Nuñez, Mansur, y Harms.

Hof ta haya Sevinger culpable di malversacion y a laga su mes wordo compra. Hof a muestra cu e fundacion di Sevinger a haya placanan y Sevinger a malversa placa di e fundacion.

Pa cu e castigo, Hof a bisa cu mester manda señal bon cla cu corrupcion no ta acceptable y tin castigo pisa pa esaki. Hof ta haya cu Sevinger a abusa di su posecion como minister.

Hof a condena Sevinger na 4 aña di prison, di cual 1 aña ta condicional cu 3 aña di prueba. Tambe Hof a prohibi Sevinger pa 5 aña e no por participa como politico den eleccion.

Ta asina cu tanto Arends, Sussebeek y Sevinger y tambe PG tin oportunidad di apela e sentencia den Corte di Casacion. Tempo lo muestra si 6 Hues na Hulanda lo mester evalua e caso aki.



TA INICIA FASE EMBEYECIMIENTO DI TOREN DI PALM BEACH

Por medio di e comunicado aki, Ministerio di Turismo y Aruba Tourism Authority (A.T.A.) ta comparti cu entrante 13 di juli te 25 di juli 2024, e toren historico na Palm Beach situa den cercania di RIU Hotel, lo cuminsa cu e proceso di embeyecimento hunto cu artista local Paul Wong. Cual ta nifica cu acceso na e toren di Palm Beach lo ta restringi durante di e periodo aki.

Durante di e realizacion di e proyecto, ta extende

palabranan di disculpa pa cualkier inconveniencia cu esaki por trece cu ne y ta aprecia comprension y apoyo den e temporada aki. E ekipo encarga lo traha na un manera diligente pa percura cu e proyecto por wordo completa eficazmente.

Un momento di orguyo pa mira e toren na Palm Beach ricibi un obra di arte nobo cu lo wordo aprecia pa e residente- y bishitantenan di e isla.



POLIS A DETENE FANATICO COLOMBIANO CU A BAY FUERA DI CONTROL Y TABATA BULA RIBA CAYA TE ORA AUTO A DAL E



Diahuebs madruga a drenta informe di cu un auto lo a dal un peaton na Ponton, mesora a dirigi tanto polis como ambulans na e sitio. Na yegada di e patruya a bin compronde cu e fanatico tabata felis y bastante bao influencia y tabata bula riba caminda te ora auto a dal e. Na yegada di ambulans nan tabata atende e fanatico y ora nan a bay pone riba e "stretcher" e fanatico aki a bira razo y a resisti te hasta cu polis unda insultonan a cay den direccion di e representantenan di autoridad. No a keda nada otro cu polis detene.



Educacion Profesional Intermedio

"Pa forma profesionalismo y personalidad"

De Minister van Onderwijs en Sport, als bevoegd gezag van de Dienst Publieke Scholen roept sollicitanten op voor de volgende functie te Colegio Educacion Profesional Intermedio (EPI):

Netwerk Systeembeheerder (1VB)

Een zelfstandig werkend allround medewerker die zowel op kantoor als op de diverse locaties binnen Colegio EPI verantwoordelijk is voor een optimaal en op niveau werkende ICT-omgeving.

Vereisten:

- HBO werk- en denkniveau met minimaal 5 jaar praktijkervaring in vergelijkbare functie;
- Goede beheersing van Nederlands, Engels en Papiamentu;
- Ervaring met het installeren, beheren en onderhouden van soft- en hardware;
- Expertise in data en netwerk, beveiliging, cybersecurity en het optimaal oplossen van storingen;
- Ruime ervaring met Microsoft 365 en alle actuele Windows versies;
- Ruime ervaring met diverse Cloud omgevingen;
- Ervaring met het onderhouden van telefooncentrales;
- Studentgerichtheid (de student staat op de eerste plaats).

Profiel:

- Een professionele houding en plichtsgetrouw;
- Kan zowel zelfstandig als in teamverband werken;
- Is enthousiast en weet van aanpakken;
- Beschikt over goede omgangsvormen met studenten en medewerkers;
- Gemotiveerd en geen 9-tot-5 mentaliteit;
- Up to date zijn met de nieuwste trends, tools en technologieën op gebied van ICT en innovatie.

Aangeboden wordt:

Salariëring en secundaire arbeidsvoorwaarden conform de Bezoldigingsregeling Aruba 1986 en de Landsverordening Materieel Ambtenarenrecht.

Meer weten:

Voor verdere informatie m.b.t. bovenstaande vacature kunt u zich richten tot: Afdeling HR van Colegio EPI, via e-mail hr@epiaruba.com of via tel. + (297) 5258726 / 746

Iets voor jou?

Stuur je schriftelijke sollicitatie, vergezeld van een curriculum vitae en kopieën van diploma's, binnen 2 weken na het verschijnen van deze advertentie, aan: Het bevoegd gezag, de Minister van Onderwijs en Sport d.t.k.v. Managementteam Dienst Publieke Scholen, John F. Kennedy Education Center, Stadionweg 37, per e-mail hr@dps.aw, met Cc naar hr@epiaruba.com

Informa:ta informa: ta informa:ta informa: ta informa:ta informa:
**AZV FORTIFICANDO E PROME LIÑA DI CUIDO PA
MEDIO DI AMPLIACION CU MAS DOKTER DI CAS Y
PRAKTIJKONDERSTEUNERS**

Aña 2024 ta bayendo positivo y esaki ta duna Organo Ehecutivo AZV (OE AZV) e espacio financiero pa ehecuta varios proyecto. Un di e proyectonan importante aki ta esun di dokter di cas. OE AZV ta percura pa fortifica e prome liña di cuidu cu mas dokter di cas y praktijkondersteuners. Nota un secreto cu mundialmente ta wak un escasez di expertonan medico, incluyendo di dokter di cas. Sinembargo, contrario na varios otro isla ruman manera Boneiro, Corsow, SABA y Sint Maarten, Aruba ta e unico isla den region cu ta dispone di su propio sistema di educacion (specialisacion) pa dokter di cas continuo cu resultado positivo. Ta danki e.o. na e sistema di educacion aki cu Aruba na final di 2024 lo conta cu alrededor di 50 dokter di cas.

Inscripcion nobo of cambio Organo Ehecutivo AZV ta satisfecho cu awor tin espacio pa brinda e aseguradonan mas opcion compara cu algun aña pasa. Por ehempel ora ta registra pa prome biaha na AZV of ora e asegurado ta desea di haci cambio di dokter di cas. Awor tin e posibilidad ey paso a habri algun oficina di dokter di cas nobo. Por ehempel e HOED (Huisartsen Onder Een Dak) na ImSan y Piedra Plat. Pero tambe ta bay tin dokter di cas nobo manera dr. C. Kelly (entrante 1 di augustus 2024 na Noord 82A) y dr.

M. Martis (entrante 1 di september 2024 na Noord 82A).

Terminacion cu dr. R. Luchmun

Pero tin mas cambio ta bay tuma lug. E contrato entre OE AZV y dokter di cas R. Luchmun ta bay finalisa. Entrante 1 di augustus 2024 tur asegurado di AZV inscribi cerca dr. Luchmun lo traspasa automaticamente pa ImSan HOED, Pastoor Hendrikstraat 10, telefon 5248730. Esaki ta nifica cu e asegurado no tin nodi haci nada, tur cos ta keda regla digitalmente y e cambio e asegurado ta wak -entrante 1 di augustus 2024- via e AZV app.

OE AZV ta gradici dr. R. Luchmun pa tur servicio medico cu el a ofrece e aseguradonan di AZV incluyendo e colaboracion cu a duna pa prolongacion di contrato ora esaki tabata necesario. Tambe ta desea dr. R. Luchmun hopi exito den su siguiente reto y etapa di bida.

Terminacion cu dr Boderie

E ultimo dia di contrato entre OE AZV y dr E. Boderie ta 31 di augustus 2024. OE AZV ta gradici dokter di cas E. Boderie pa tur su añanan di servicio y dedicacion na e aseguradonan di AZV incluyendo e biahnan di prolongacion di contrato cu a logra realiza cu dr. E. Boderie tempo cu esaki tabata necesario. Ta desea dr. E. Boderie tur clase di exito den su siguiente reto y etapa di bida.

OE AZV ta haci uzo di e oportunidad pa informa tur asegurado inscribi cerca dr. E. Boderie cu entrante 1 di september 2024 un traspaso automatico ta tuma lug. pa ImSan HOED, Pastoor Hendrikstraat 10, telefon 5248730. Esaki ta nifica cu e asegurado no tin nodi haci nada, tur cos ta keda regla digitalmente y e cambio e



asegurado ta wak -entrante AZV app.
1 di september 2024- via e

Educacion Profesional Intermedio

"Pa forma profesionalismo y personalidad"

De Minister van Onderwijs en Sport, als bevoegd gezag van de Dienst Publieke Scholen roept sollicitanten op voor het schooljaar 2024-2025 voor de volgende functies te Colegio Educacion Profesional Intermedio (EPI):

Er wordt gezocht naar enthousiaste teamplayers met liefde voor hun vak en voor het onderwijs, die als inspiratie en voorbeeld voor de nieuwe generatie kunnen dienen.

➤ Docent Economie	3 VB	– instructietaal Nederlands
➤ Docent Papiamento	1 VB	– instructietaal Papiamento
➤ Docent Informatica	2 VB	– instructietaal Nederlands
➤ Docent Hospitality	1 VB	– instructietaal Engels
➤ Docent Verpleegkunde	3 VB	– instructietaal Nederlands
➤ Docent Pedagogiek	1 VB	– instructietaal Nederlands

Vereisten:

- 1^{ste} graad onderwijsbevoegdheid voor docent Papiamento/
- 2^{de} graad onderwijsbevoegdheid of gelijkwaardig met voldoende praktijkervaring;
- Goede beheersing van de instructietaal;
- Voor beroepsvakken is ervaring in het bedrijfsleven een pré;
- Studentgerichtheid (de student staat op de eerste plaats).

Profiel:

- Een professionele houding en plichtsgetrouw;
- Goede didactische kwaliteiten en communicatieve eigenschappen;
- Flexibel m.b.t. innovatieve processen binnen het beroepsonderwijs;
- Gevorderde computervaardigheden.

Aangeboden wordt:

Salariëring en secundaire arbeidsvoorwaarden conform het Landsbesluit Bezoldiging Onderwijspersoneel en de Landsverordening Materieel Ambtenarenrecht.

Informatie:

Voor verdere informatie m.b.t. bovenstaande vacatures kunt u zich richten tot: Afdeling HR van Colegio EPI, via e-mail hr@epiaruba.com of via tel. + (297) 5258726 / 746

Interesse:

Uw schriftelijke sollicitatie, vergezeld van een curriculum vitae en kopieën van diploma's, kunt u binnen 2 weken na het verschijnen van deze advertentie, richten aan: Het bevoegd gezag, de Minister van Onderwijs en Sport d.t.k.v. Managementteam Dienst Publieke Scholen, John F. Kennedy Education Center, Stadionweg 37, per e-mail hr@dps.aw, met Cc naar hr@epiaruba.com

Gobierno di Aruba: HOGE RAAD DEN CASO DI CASACION TA DETERMINA CU MATRIMONIO PA PAREHANAN DI MESUN SEXO TA POSIBEL NA ARUBA

Gobierno di Aruba lo cumpli cu veredicto di Hoge Raad



Dia 6 di december 2022 Corte Comun di Husticia di Aruba a duna un veredicto cu matrimonio di pareha di mesun sexo, mester wordo permiti. Ademá Corte a dicta cu no mester cambia ley pa esaki bira posibel.

Gobierno di Aruba a busca

conseho di un abogado di casacion y a apela e punto cu no mester di cambio di ley pa esaki.

Hoge Raad awe a dicta cu exclusion di parehanan di mesun sexo di matrimonio ta un discriminacion cu ta en pugna cu nos

Constitucion. Y a confirma e veredicto di Corte Comun di Husticia di 6 di december 2022.

Cu e veredicto di Hoge Raad, matrimonio pa parehanan di mesun sexo ta bira posibel na Aruba, na e mesun forma cu

matrimonio di parehanan di sexo opuesto. Gobierno di Aruba lo cumpli cu veredicto di Hoge Raad.

notariskantoor *Mr. M.J.C. Tromp*

EXECUTORIALE OPENBARE VERKOOP

Op **donderdag 18 juli 2024** des namiddags om 14.00 uur, zal in de Kamer van Koophandel en Nijverheid van Aruba, J.E. Irausquin Boulevard 10, Oranjestad Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 15 april 2064 op een perceel domeingrond, groot 430 m², gelegen aan de Caya Mangasina te Mabon in Aruba, nader omschreven in de **kadastrale meetbrief nummer 187 van 20 mei 1998**, met het daarop gebouwde, plaatselijk bekend als **“Caya Mangasina 64”**;
Inzetprijs: Afl. 127.000,==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com / auction@notaristromp.com

Website: www.arubanotary.com

Clasificados



SOLODIPUEBLO@GMAIL.COM
CEL. 585 9500



AWE TA BO CHENS DI GANA 1 MIYON 650 MIL FLORIN CU LOTTO 5! SORTEO TA AWE NOCHI

, Aruba – 13 di juli, 2024:

Diaranson ultimo Lotto 5 no a conoce ningun ganado cu ta pone e jackpot sigui crece y pa awe e suma bira 1 miyon 650 mil florin! Pero si tabata tin 1 feliz ganado di e segundo premio di Lotto 5 di diaranson ultimo cu a gana Afl. 17.933,-. Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedo pa un loco y asina bo ta den wega pa bira e siguiente miyonario y gana e jackpot di 1 miyon 650 mil florin cu Lotto 5.

Corda busca bo Lotto 5 trepan, pa asina bo no keda afo di e sorteo miyonario di awe nochi cu Lotto, e Loteria di Aruba. Tambe Lotto ta ofrecebo e opcion pa por cumpra bo weganan di Lotto Online, kieren si bo no tin chens pa sali cumpra bo weganan preferi di Lotto, bo por cumpra for di bo smart phone, tablet of bo computer!

Si ainda bo no tin un cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa

hunga Lotto online tambe!

Tambe bo por pidi pa bo Multi-draw pa asina bo keda den wega pa e siguiente sorteonan ora cu bo bay cu vakantie! Asina bo ta segura cu bo numbernan di suerte ta keda den wega.

Sorteo di Lotto 5 ta hunga awe nochi pa 7.45PM y por cumpra bo ticket na bo rebendedor favorito te cu 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky



3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: www.play.lottoaruba.com pa por registra. Cumprando Lotto

bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Pa hisa e calidad den e cuerpo

25 POLIS A HAYA DIPLOMA RIBA DIFERENTE ESTUDIO POLICIAL



MACUARIMA, ARUBA: Recientemente altocomisario di Polis drs. Ramon Anrhem a entrega di 25 diploma na agente policial di diferente rango. Despues di algun luna di estudio intensivo ariba dieferente nivel y direccion policial tur a termina e estudio exitosamente.

Ta trata aki diferente estudio policial manera instructor di tiramento, Polis di Bario como tambe incidente cu ta involucra arma di candela. E 3 estudio nan aki tabata intensivo pero na final a logra exitosamente conhuntamente cu yudansa di Academia di Polis Hulanda cu a brinda y ta brindando sosten

na Cuerpo Policial Aruba. Cu e colaboracion aki e agentenan ta haya oportunidad di sigui crece y amplia nan conocimiento riba diferente area.

For di e 25 Polis cu a termina nan estudio tabata entre otro: 2 pa incidente cu ta involucra arma di candela, 4 instructor

di tiramento y 19 pa Polis di Bario. Altocomisario Arnhem ta satisfecho y hopi contento cu e acogida y bon resultado di cada un Polis cu a participa na e estudio aki. Di e forma aki ta sigui inverti den estudio y curso pa e agente policial por sigui progresa y mehora den nan carea profesional di Polis, Masha pabien!

Minister Rocco Tjon: A GRADICI Y DISPIDI DI SR. BERT WIELENGA DI CENTRO ORTOPEDAGOGICO PA SU AÑANAN DI SERVICIO PA PAIS ARUBA



- Diabierna mainta, minister di husticia y asuntonan social sr. Rocco Tjon a dispidi di sr. Bert Wielenga na Centro Ortopedagogico, caminda el a traha pa hopi aña. Banda di esaki, Bert a traha den e sector di enseñansa na Aruba tambe, pa hopi aña.

For di aña 1997 Bert a haci Aruba su hogar, pues e tin 27 aña ta traha na Aruba. Prome cu esaki el a traha 15 aña na hulanda. Pues, el a sirbi e diferente comunidnan aki pa un total di 42 aña.

Bert ta un persona cu tawata hopi dedica na su trabou y alabes tawata



tin un rol hopi important den e desaroyo pa cu Plan di Mayor, como tambe den brinda cuida y garantisa e seguridad di nos muchanan. Bert a haci esaki entre otro for di e tereno di enseñansa na Imelda Hof y Centro Ortopedagogico.

Minister Tjon a agrega cu

personalmente, el a traha di cerca cu Bert riba algun caso specifico, caminda a siña conoce Bert mas di cerca.

Awe a gradici Bert pa e trabounan cu el a eherce pa pais Aruba, y ta desea su persona un pensioen bon mereci.

2 MUHE A BAY TANKI LEENDERT PA AGREDI E MESUN MUHE CU NAN A AGREDI E DIA PROME



Diahuebs mainta a drenta informe di un caso di maltrato cu hende herida na Tanki Leendert, mesora a dirigi tanto polis como ambulans na e sitio. Na

yegada di e patruya a bin compronde cu e mesun 2 muhe cu a agredi e muhe e dia prome a bolbe presenta na e cas y a agredi un otro muhe. E victima a keda cu

basta golpi na su cabes. Na yegada di e ambulans nan a atende e muhe y ela keda di bay hospital y despues bay recherche pa entrega keho.

Minister Endy Croes:

E AÑA AKI PODER DI HUBENTUD TA CONTA CU 57 NOMINADO DI DIFERENTE ORGANISACION

E nominadonan lo incia un trayecto educacional den vakantie grandi cu diferente tayer, guia pa nan desaroyo personal y intelectual.



E aña aki Asociacion Trabou di Hubentud (ATHA) ta celebra 10 aña di Poder di Hubentud cu un

record di 57 hoben nomina di diferente organisacion. E organisacionnan a nomina e hobennan di edad di 14

pa 17 aña cu a destaca den diferente area entre otro, social, deportivo, cultural, religioso, arte, enseñansa, media y tecnologia. Diadomingo ultimo, a sorpresa e hobennan aki den presencia di Minister di Enseñansa y Deporte Endy Croes, famia, amistad y diferente organisacion.

E nominadonan lo incia un trayecto educacional di seis (6) siman den vakantie grandi, unda nan lo haya diferente tayer, guia pa nan desaroyo personal y intelectual. Lo educa e hobennan con pa yega na un proyecto y con pa ehecuta un proyecto. Por mira cu e hobennan cu a forma parti di Poder di Hubentud durante e dies (10) añanan di existencia, ta hobennan cu a sigui destaca grandemente den nos comunidad. Minister

Endy Croes a felicita presidente Franchesca Hijnze y team completo di ATHA cu e bunita proyecto

aki. Alabes, a felicita e 57 hobennan nomina y a desea nan hopi exito.

Prome Minister Evelyn Wever-Croes: Dia 31 di juli, 2024 pa 4 pm na Bestuurskantoor na Playa **ULTIMO DIA PA ENTREGA PROPOSICION PA CONDECORACION REAL**

“Si abo ta un persona cu conoce un persona cu merece un Condecoracion Real, entrega e proposicion pa asina e persona aki por haya su reconocimiento mereci”

Tur aña riba fecha natalicio di Rey Willem Alexander, e Rey ta otorga condecoracionnan real na ciudadanonan den reino Hulandes. E condecoracionnan aki ta wordo otorga na personanan cu banda di nan trabou a haci of ta haciendo algo excepcional por ehempel trabounan caritativo manera yuda otronan sea cu trabou, placa, articulonan di necesidad, organisa eventonan pa recaudacion pa instancianan, entre otro, sin cu nan ta wordo compensa pa esaki. Na Aruba tin un cantidad grandi di persona cu ta eherce trabounan caritativo y voluntario pero hopi biaha esakinan no ta wordo promovi. E ora ta keda na e ciudadano pa propone e personanan aki pa asina nan por wordo condecora.

E oportunidad pa nominacion di

un persona pa Condecoracion Real 2025 a cuminsa dia 6 di Mei 2024. Pa un ciudadano bin na remarke pa un reconocimiento asina, lo mester adheri na cierto rekisitonan. E accento ta en particular riba prestacionnan pa y den comunidad. Tin dos categoria; E prome ta cu e persona mester ta eherce trabou boluntario, sin pago pa un periodo di mas of menos 15 aña, y e di dos ta cu e persona mester a haci prestacionnan hopi particular den nan funcion actual. E prestacionnan den tur dos categoria mester ta di un nivel hopi halto, superando loke normalmente ta wordo spera di su trabou y mester tin un balor excepcional p’e desaroyo di Aruba.

Pa entrega un proposicion e persona lo mester yena dos formulario. E formularionan aki ta disponibel pa comunidad henter na Bestuurskantoor na Playa y San Nicolas, tur MFA, y online riba e website di Gobierno. E formulario mester wordo yena detayadamente y firma door di e persona y/of

instancia cu ta haci e proposicion.

Decoratie Commissie Aruba ta enfatisa cu e otorgamento di e condecoracion mester keda un sorpresa pa e persona. No por avisa e persona cu ta bay propone, y e no por ta parti di e proceso tampoco. E ultimo dia pa entrega e proposicion ta dia 31 di Juli, 2024 pa 4 pm na Bestuurskantoor na Playa. Unabes e proposicion wordo entrega e lo wordo repasa pa e comision di Aruba pa wak si a cumpli cu tur rekisito, pa despues wordo manda pa Hulanda pa eynan nan tuma e decision definitivo. Tur proposicion entrega despues di e fecha aki, lo no wordo trata.

Prome Minister ta pidi comunidad completo pa duna honor na esnan cu merece. Na Aruba tin hopi hende cu ta haci trabounan voluntario, y hopi ta esnan cu no ta propaganda loke nan ta haci. Pero e ta na su luga pa duna honor na e esfuerso grandi cu e persona y/of e organizacion ta haci. “Nan actonan di bondad sin



egoismo, for di sostene iniciativanan local te yuda esnan cu tin nesesidad, ta fortalece nos sociedad. Laga nan storia inspira nos pa no solamente contribui nos tempo y talento, estimulando compacion y solidaridad un pa otro, pero tambe pa tuma tempo pa nomina nan pa asina otro aña nan ricibi nan reconocimiento pa e trabounan voluntario cu nan ta haci pa comunidad di Aruba. Si abo ta un persona cu conoce un persona cu merece un Condecoracion Real, entrega e proposicion pa asina e persona aki por haya su reconocimiento mereci”, Prome Minister a expresa.

ARUBA BANK A JOIN KOMPAS FOR STUDENTS ARUBA FOUNDATION EMPODERANDO E FUTURO DI STUDIANTE ARUBANO

Oranjestad 12 di juli 2024 - Aruba Bank ta orguyoso di a forma parti di e tayer di 3 dia di Kompas for Students Aruba Foundation, un iniciativa vital dedica na apoya e studiantenan cu ta bai sigui studia na Hulanda.

E fundacion aki ta resalta e compromiso di Aruba Bank den e desaroyo di educacion, y formacion personal di e futuro di studiantenan.

Kompas for Students, funda na Amsterdam na 2018 y na Aruba na 2024, ta duna e herment esensial, conocimiento, y guia na studiantenan Arubano cu ta

prepara pa cuminsa un fase nobo den nan bida.

E programa ta enfoca riba e parti financiero, bienestar emocional, y desaroyo personal, asina garantizando cu studiantenan ta bon prepara den nan bida personal como tambe academico na Hulanda.

E programa Kompas 2024 ta inclui tayer riba presupuesto, nutricion, inteligencia emocional, y e cultura Hulandes, hunto cu un abono gratis pa un aña na un plataforma di salud mental online cu ta ofrece servicio di psicologia y topiconan



di bienestar di salud mental.

Aruba Bank ta orguyoso di a patrocina Kompas for Students Aruba Foundation. E iniciativa aki ta alinea perfectamente cu Aruba Bank su balornan



cu ta compromete na inculca educacion y desaroyo den nos comunidad. Aruba Bank ta kere den empodera nos hobennan cu e abilidadnan y confiansa cu nan mester pa logra exito.

Accidente contradictorio entre un autobus y un auto di famia na Wilhelminastraat



Diaranson atardi a drenta informe di un accidente cu declaracionnan contradictorio na Wilhelminastraat, mesora a dirigi un patruya na e sitio. Na yegada di e

patruya di e especialista di trafico a wak e situacion unda e chauffeurnan ta duna declaracion contradictorio y a resolve e accidente cu su experticio.



HOTLINE

744-0444

CAPT'E Y MAND'E

Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

Maravillas de la Fe

Bo ta sufri di un malesa nan cu no no por cura ? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledat, angustia. comunika na

Comunica na 748 56 71



748 56 71



Accidente cu 3 auto envolvi na Sabana Berde



Diahuebs mainta a drenta informe di un accidente na Sabana Berde banda di Pricemart, mesora a dirigi

polis na e sitio. Na yegada di e patruya a bin compronde cu aki ta trata di un accidente entre 3 auto unda

un Toyots Corolla a bay dal tras di e Haval y consecutivamente esaki a bay dal tras di un Toyota Rav.



Polisnan a bay pa un alarma na un lugar di bende number na Paradera



Diaranson anochi a drenta informe di cu tin un alarma cu lo a bay on na un lugar di bende number na Paradera, mesora a dirigi un patruya na e sitio. Na yegada di e patruya a bin compronde

cu ta un bentana di patras di e lugar cu a keda habri y pesey e alarma a bay on. Un rato despues un security di e compania a yega y polis a bis'e pa yama e gerente pa bin sera e bentana bon.

FORTALEZA PA FAMILIA

Scirbi pa Pastor Marcel Balootje.

CRISTO HESUS TA E VENCEDOR

Pesey tambe Dios a hals'E te na halturanan, y a dun'E e nomber riba tur nomber, cu pa e nomber di Hesus tur rudia mester dobla, di esnan cu ta den cielo, y riba tera, y bao di tera, y cu tur lenga mester confesa cu Hesus Cristo ta Señor pa e Gloria di Dios Tata. (Filipensenan 2:9-10-11).

Esaki ta locual Dios Tata Todopoderoso a haci pa indentifica su Yiu Hesus Cristo como Rey di Reynan y Señor di Señornan. Den esaki Cristo Hesus a wordo proclama como e Vencedor, como e Ganador, tanto na tera como na cielo, y cu no tin ningun mas cu Cristo Hesus.

Pasobra tur locual ta naci di Dios a vence mundo, y esaki ta e victoria cu a vence mundo, nos fe. Y ta ken ta esun cu a vence mundo, si no ta esun cu ta kere cu Hesus, ta e Yiu di Dios.

Juan 14:6 Hesus a bise: Ami ta e caminda y e berdad, y e bida, ni un hende no ta bin serca e Tata, sino ta pa medio di Mi.

Di kico ta bal un hende gana tur cos cu tin na mundo y perde su alma, pasobra hopi cos cu hende ta antoha pe ta cosnan temporal, cosnan cu ta simplemente, terenal, natural, diabolico, caminda envidia, orguyo, y egoismo ta broma, cosnan cu ta hiba hende na nan propio destruccion y nos tur sa cu e cosnan ey no ta drenta den presencia di Dios, te pa nan yega na hereda e reino di Dios.

Spiertamento di Dios y horea duro di hende for di principio di mundo, tabata e piedra di tropica, Dios a papia cu Adam cu Eva pero nan a laga e diabel gaña nan y asina cay den pica y perde locual nan tabatin den paraíso.

Awor Dios ta spiertando e mundo atrobe pa medio di Juan 3:16 cual ta bisa bon cla cu esun cu kere den e Yiu unigenito di Dios cual ta nos Señor Cristo Hesus lo no bay perdi ma tin bida eterna.

Den Galationan 5:19-21, Pablo ta splica bon cla pa medio di e Palabra di Dios, cu esnan cu ta practica e obranan di Carni lo no hereda e reino di Dios.

Dios ta bolbe spierta nos un biaha mas den 1 Corintionan 6:9-10-11 cu e inhus-tonan lo no hereda e reino di Dios, pero mescos e palabra ta muestra nos claramente cu esnan cu arepentí ta wordo Laba, Santifica, y Hustifica den e nomber di Señor Hesus Cristo y den e Spirito di nos Dios.

Den Romanonan 1 :18-32 Dios ta muestra claramente cu tur esnan cu cambia su Berdad pa Mentira, lo tin



cu carga e consecuencia, pasobra Dios no ta tolera esey, y lo entrega nan na pasionnan bergonsoso.

Pero tambe ta conoci cu e diabel ta busca hende cu kier reta Dios mescos cu e a seduci Adam y Eva, y e a seduci un tercera parti di angel nan den cielo pa nan bay contra Dios, y awendia tin hopi hende cu ta ninga di wak e consecuencia fatal y ta bay tras di nan orguyo, den cual Dios ta avisa tambe cu orguyo ta bini prome cu caida.

Ta tempo pa tur hende realisa cu tur esnan cu ta opone Dios ta cana riba e caminda di propio destruccion, pasobra nan lo ricibi castigo mereci pa nan eror.

Romanonan 2:5 palabra di Dios ta bisa; Ma pa motibo di bo capricho y bo curason cu no ta arepentí bo ta montona Furia di Dios pa bo mes. Cristo Hesus ta e Ganador.

Sinceramente, Pastor Marcel Balootje.

Relaciona cu un investigacion andando recherche a bay busca un sospechoso na su trabao

Diahuebs mainta recherche nan a presenta na un negoshi pa busca un empleado na su trabao.

Como cu e empleado tabata trahando riba caya recherche a pidi e comerciante pa e laga e trahado presenta mesora na su trabao.

Na yegada di e empleado recherche mesora a acerke y detene y a pidi pa compañía nan pa warda di polis pa interrogacion debi na un investigacion andando pa asina wak su posibel envolvimento den e caso investiga.



Clasificados

SOLODIPUEBLO@GMAIL.COM
CEL. 585 9500

2 accidente casi e mesun ora riba e "Green Corridor"



Diaranson atardi a drenta informe di 2 accidente na casi e mesun momento na e "Green Corridor" mesora a dirigi un patruya na e sitio. Un ta e accidente entre un Toyota Yaris y un Kia Picanto y e otro ta e Jeep cu a bay pasa e trekker cu oplegger y a pega na e wiel di e trekker cu oplegger. Den ambos accidente niun hende a resulta herida.

Aanbieding Jaarverslag en Jaarrekening aan Minister van Justitie en Sociale Zaken, dhr. Rocco Tjon



Op donderdag 11 juli 2024 hebben dhr. Mauritsz de Kort, president van het Gemeenschappelijk Hof van Justitie, dhr. Jacques Keltjens, vice-president van de vestiging op Aruba, dhr. Martin Luttge, directeur bedrijfsvoering, en mevr. Luzina de Greef, voorzitter van de Beheerraad, het jaarverslag en de jaarrekening overhandigd aan de Minister van Justitie en Sociale Zaken, dhr. Rocco Tjon. Het jaarverslag, met het thema "Extranea lux, illuminatio interna" (zicht van buiten, inspiratie voor binnen),

benadrukt de rol van het Hof in de samenleving. Het Hof neemt actief deel aan de samenleving en onderhoudt nauwe banden met ketenpartners in verschillende landen. Deze partnerschappen omvatten samenwerking met Openbare Ministeries, Reclasseringsinstellingen, Voogdijraden, Justitiële Inrichtingen, Ordes van Advocaten, en beleidsmakers. Ook is er samenwerking met collega-rechtbanken en hoven in Nederland, Suriname en Europa. Deze samenwerking is essentieel voor het

waarborgen van de rechtsstaat en de veiligheid van de samenlevingen. Het jaarverslag biedt een overzicht van de ontwikkelingen in het primaire proces en de bedrijfsvoering van het Hof. Daarnaast bevat het interviews die inzicht geven in hoe externe invloeden intern inspireren. Op de foto van links naar rechts: dhr. Jacques Keltjens, dhr. Mauritsz de Kort, dhr. Rocco Tjon, mevr. Luzina de Greef, dhr.

Paardenbaasstraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 11 July 2024 Anochi		
CATOCCHI Sorteo # 8291 1269 0789 1750 X2 BIG 4 Sorteo # 7335 2261 FP OFF Sorteo # 2040 6129 ZODIAC Sorteo # 6094 5061 Aries LUCKY 3 Sorteo # 1024 279 X3	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 LOTTO DIA Sorteo # 6529 0 x Jackpot 11 x Match 4 191 x Afl. 8,00 MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 KORSOU Sorteo #	Joker Letter Proximo Jackpot 1.650.000,- 06-11-21-22-28 Proximo Jackpot 100.000,- Mega Ball Proximo Jackpot 350.000,- Afl. 460.000,- QR code

Paardenbaasstraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 12 July 2024 Merdia		
CATOCCHI Sorteo # 4324 2043 7110 9502 X2 BIG 4 Sorteo # 4324 2646 X5 OFF Sorteo # 2380 9044 ZODIAC Sorteo # 4324 5517 Libra LUCKY 3 Sorteo # 1198 470 X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 LOTTO DIA Sorteo # 0 x Jackpot 11 x Match 4 191 x Afl. 8,00 MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 KORSOU Sorteo #	Joker Letter Proximo Jackpot 1.650.000,- 06-11-21-22-28 Proximo Jackpot 100.000,- Mega Ball Proximo Jackpot 350.000,- Afl. 460.000,- QR code

Minister Rocco Tjon:

REUNION CU FUNDACIONNAN DEN CUADRO DI INDEXERING



ORANJESTAD - Minister di Husticia y Asuntonan Social sr. Rocco Tjon, a reuni awe cu diferente fundacion, conhuntamente cu CBOS y e beleidsdirectie di e fundacionnan aki, pa loke ta e indexering cu lo wordo paga pa tur e trahadonan di e diferente fundacionnan aki.

Manera ta conoci den e “voorjaarsnota” cu a wordo aproba recientemente

door di Parlamento di Aruba, a percura pa aloca e fondonan necesario pa e indexering cu e ambtenaarnan ta bay haya e aña aki for di comienso di juli, pa loke ta e 6% cu a wordo aproba pa e trahadonan di e diferente fundacionnan aki.

A base di esaki, a manda un carta na tur e fundacionnan aki, den cual a splica e procedura completo di con nan mester aplica pa e fondonan adicional aki. Sinembargo, tawata tin diferente pregunta ainda cu a bin padilanti, pues a dicidi di yama un reunion cu e fundacionnan aki.



				2		3		
	6		1				7	
8				6	3			
		1					6	
7		5				9		2
	8					7		
			2	8				7
	5				6		9	
		9		3				

3			8		1			2
2		1		3		6		4
			2		4			
8		9				1		6
	6						5	
7		2				4		9
			5		9			
9		4		8		7		5
6			1		7			3

Nissan Cube a bira dilanti un Ferrari y esaki mester a desvia bay rasca un auto contrario



Diaranson atardi a drenta informe di un accidente na e crusada A. Lacle blvd cu L.G. Smith blvd, mesora a dirig un patruya na e sitio.

Na yegada di e patruya a bin compronde cu aki ta

trata di un accidente unda un Nissan Cube a bay bira dilanti un Ferrari y esaki a purba kita y a bay rasca un Kia Sportage di direccion contrario. Afortunadamente ningun hende a resulta herida.

Minister Ursell Arends: PROME EDICION DI GOLDEN AGE EXPO CU ACOGIDA GRANDIOSO DI ADULTONAN MAYOR



Diasabra ultimo den ballroom di Alhambra, e prome edicion di Golden Age Expo a tuma lug. E evento a destaca exitosamente e bienestar y estilo di bida di nos adulto mayor y esnan cu ta baha cu pensioen. E evento dedica na

promove un embehecimento activo y prepara pa un pensioen responsabel, a mira un asistencia y participacion grandi di e comunidad.

Minister di Asuntonan di Adulto Mayor, Sr. Ursell Ar-

ends, a expresa gran alegria y agradecimento durante su discurso. "Como Minister pa Asuntonan di Adulto Mayor, e proyecto aki tabata uno cu nos tabata ansioso pa tuma lug for di hopi tempo caba, subrayando e necesidad y exito anticipa di e iniciativa. E ta alinea cu nos vision di promove embehecimento activo y tambe cambio pa un perspectiva mas social di embehecimento. Nos ta logra esaki door di colabora cu esnan cu tin nos adultonan mayor na pecho, facilitando cooperacion entre proveedornan di servicio y cuido, y alivia e carga riba famianan y di cuido informal. Asegurando cu nos adultonan mayor ta disfruta di un bida saludabel y digno cu nan merece."

E Golden Age Expo a demostra cu nos ta riba e caminda corecto. Un evento dedica especificamente na nos adultonan mayor y esnan yegando nan edad di pensioen, abordando nan necesidadnan pa mas cuido, actividad, y integracion continuo den

nos sociedad. Tabata tin diferente booth cu expertonan den conseho medico, finanzas, vivienda, utilidad y mas, empoderando nos adultonan mayor cu e conocimiento y recursonan necesario pa biba nan miho

bida. Minister Arends ta extende palabra di danki na e organisadonan, Vibrations PR & Media y tur cu a haci e evento posibel, felicitando nan riba e exito di e prome edicion di Golden Age Expo.

Konsulta via internèt pa e areglo di supsidio Fortifikashon kapasidat pa generá entrada duradero na papiamentu i ingles

E konsulta via internèt di e areglo di supsidio Fortifikashon kapasidat pa generá entrada duradero di Aruba, Kòrsou i Sint Maarten i Boneiru, Sint Eustatius i Saba, awor ta disponibel tambe na papiamentu/o i ingles.

E areglo di supsidio ta destiná pa hasi invershon ku ta kontrubuí na desaroyo ekonómiko duradero di Aruba, Kòrsou i Sint Maarten i Boneiru, Sint Eustatius i Saba. Esaki ta enserá proyektonan riba tereno di cambio di klima i transishon di energia, edukashon, infrastrukura digital i servisio públiko, infrastrukura básiko, produkshon di kuminda i hasi sektornan ekonómiko mas duradero.

Por pidi supsidio tambe pa invershonnan nesesario pa prepará petishon pa un proyekto. Pa e areglo aki tin 130 mion Euro disponibel pa e seis islanan: 100 mion Euro pa e paisnan Aruba, Kòrsou i Sint Maarten i 30 mion pa Boneiru, Sint Eustatius i Saba.

Públiko por reashoná riba e areglo di supsidio te 28 di yüli riba e página di e konsulta via internèt

E BON NOTICIA

IGLESIA UNIVERSAL DI DIOS TATA, PA SALBACION DI HUMANIDAD

Den Bijbel Exodo 24: 7 – 8, Testamento Bieuw nos por lesa, cu Dios Tata a sera e prome Aliansa cu e pueblo di Israel, pa medio di Moises. Den Bijbel 2 Samuel 7: 16, nos por lesa, cu Dios Tata e eligi David, e prome Rey di Israel. Dios Tata a priminti cu su yiunan, su sucesornan, nan lo ta pa semper encabesa e Reino di Dios. Pero awor e promesa aki a wordo verifica den Cristo Hesus, den e Aliansa Nobo di Dios Tata. E Aliansa Nobo, Bijbel Mateo 26: 26-28: “Mientras nan tabata come, Hesus a tuma e pan, E’l a gradici Dios, a kibra e pan y a duna Su discipelnan. Tuma come, esaki ta Mi Curpa. Despues E’l a tuma e copa di binja, a yama Dios danki pa e copa y a pas’e pa nan, bisando: Boso tur bebe for di dje. Esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Pa medio di e sacrificio y morto di Cristo-Hesus na crus, Dios Tata a sera un Aliansa Nobo cu e pueblo di Israel, manera cu den Bijbel Lucas 1: 32 – 33 ta bisa: “Senyor Dios lo dun’E e Trono di Su antepasado David, te den eternidad lo E ta Rey di e decedientenan di Jacob y Su Reino lo no tin fin.” E Aliansa Nobo aki di Dios Tata, ta e pueblo nobo di Israel pa medio di Cristo-Hesus Su unico Iglesia Universal pa medio di Su Apostelnan. Den e prome Aliansa, e hudiunan tabata encabesa e Reino di Dios Tata y Moises tabata e Vicario di Dios Tata. Pero awor Cristo-Hesus escohe Pedro y a entregel’e e yabinan di Reino di Cielo. Den Bijbel Mateo 16: 15 – 19: “E ora ey Hesus a puntran: Anto boso mes, ken boso mes ta bisa Mi ta? Simon a contesta: Bo ta E Mesias, e Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro, (o sea baranca) y riba es baranca aki lo Mi lanta Mi Iglesia y forsanan di fierno lo no podera di dje. Lo Mi duna bo e yabinan di Reino di Cielo y loke bo prohibi na tera, lo ta prohibi den Cielo tambe, loke bo permiti na tera, lo ta permiti den Cielo tambe.” Cristo-Hesus ta bisa bon cla, Mi Iglesia, o sea un solo Iglesia Universal y no iglesianan. Cristo-Hesus ta bisa, cu e demonionan di fierno, no por kibra y ni vence e Unico Iglesia aki. E number di Pedro tabata Simon, pero Hesus a duna Simon e number di Pedro, cu ta significa Baranca y riba es Baranca aki, lo Mi lanta Mi Iglesia. Cristo-Hesus a bisa San Pedro: “Loke bo prohibi na tera, lo ta prohibi den Cielo tambe, loke bo permiti na tera, lo ta permiti den Cielo tambe.” Esaki ta e Ley-

nan Canonico di Iglesia. Hesus a bisa Su Apostelnan, Su prome Obisponan Bijbel Mateo 28: 20: “Lo Mi ta cu bosonan tur dia, te na cabamento di mundo.” Cristo-Hesus a entrega Pedro e yabinan di Reino di Cielo y esaki ta significa, cu e Iglesia Universal di Cristo Hesus, ta e unico porta y caminda pa e almanan por drenta den e Reino di Cielo. Cristo-Hesus a establece den Su Iglesia, e 7 Sacramentonan obligatorio di Dios Spirito Santo pa salbacion di humanidad segun Bijbel. Sacramento di Bautismo, Mateo 28: 19-20. Sacramento di Confirmacion, Echonan di Apostelnan 2: 1-4. Sacramento di Confesion, Huan 20: 23. Sacramento di Eucaristia, Lucas 22: 19-20. Sacramento di Matrimonio, Mateo 19: 4-6. Sacramento di Orden Sacerdotal, Marco 3: 13-15. Sacramento di Enfermonan, Hacobo 5: 14-15. E Iglesia Universal, tin mas di 2000 anja di existencia y tabata tin 265 Papanan (Vicarionan), desde San Pedro te na e Papa actual. Sinembargo na anja 1521, Martin Luther, un ex-sacerdote excomulga, a inventa e theoria di e interpretacion di Bijbel liber. E interpretacion liber aki, a produci como 36.000 diferente sectanan durante siglonan. Durante tempo hopi di nan a lanta nan mesun iglesianan y predicando e Bijbel na nan manera y buscando discipelnan debil den fe. Carta di San Pablo na su coleganan Obispo, Bijbel Echonan di Apostelnan 20: 28-30 : “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senyor, na cual E’l a gana cu Su propio Sanger. Mi sabi cu despues di Mi partida, lo drenta lobonan feroz cu lo no tene compasion cu e rebanjonan y cu denter di boso mes lo surgi hendenan cu lo sinja doctrinan robes y nan lo gana discipelnan nan tras.” Bijbel Marco 16: 15 -16 : “Hesus ta bisa Su Apostelnan: Sali pasa na henter mundo y predica e Evangelio pa henter humanidad. Esun cu kere y ta bautisa lo ta salba, ma esun cu no ta kere, lo ta condena.” E palabra aki, pasa y predica na henter mundo ta significa, Iglesia Universal. Pesey esnan den sectanan y hudiunan, nan mester kere den Cristo-Hesus y nan mester bautisa den e Unico Iglesia Universal di Cristo-Hesus pa nan por ta salba y pa nan por drenta den e Reino di Cielo. Den e Evangelio ta bisa, esnan cu no ta kere y cu no ta bautisa, nan lo ta condena. Esnan den Iglesia Universal di Cristo-Hesus, nan ta e pueblo Nobo di Israel di Dios Tata.

Seferino Tromp



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabiernes | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

ORACION DI DIA



Un dia fructifero carga cu gracia y bendicion di Dios.

E ora ey El a bisa su discipelnan: "Cosecha ta grandi, ma trahado ta poco". Mateo 9, 37.
Kico Hesus kier bisa cu esey? E cosecha ta e multitud di pueblonan rond mundo y poco trahadonan ta e escasez di maestronan pa siña nan e Palabra di Dios.

Anos lo ta dispuesto pa yuda un otro den nan sufrimento y debilidadnan? Ta e misericordia di Dios den nos curason lo impulsa nos pa dal e prome stap cu balentia pa yuda e ruman p'e por sana su heridanan.

Señor ta doño di e cosecha y nos tur cu ta lesa e Palabra di Dios, anos cu ta bay tur diadomingo pa scucha su Palabra, anos ta e prome yamanan pa sali y bay conta na cas, den nos famia, na nos trabou y na tur caminda cu nos tin un Dios bibo, cu ta cu nos pa medio di su Spirito Santo cu ta duna nos e balentia y curashi. Nos fe y confiansa den Dios cu lo resalta den nos testimonio di bida, cu si
El a lanta mi di mi enfermedad, di mi esclavitud y di mi depresion, E por haci'e pa bo tambe. Tuma e decision y busca e doño di cosecha pa E por yuda bo bira un bon trahado den su cunucu.

Oracion : Señor, haci mi un bon obrero den bo cunucu y semper refleha e amor di Cristo.
Amen.